

## EW NAMOPUNG

A ekkesiwini Tetten 2,4, me 12 me non Annukun Chuuk No. 6-16, me pwan ren ekkoch popun.

EPWE PUNG ME REN EWE LEGISLATURE-UN EWE MUUN CHUUK:

1 Tetten 1. Ekkesiwin. Tetten 2 me non Annukun Chuuk No. 6-16, iei a ekke-  
2 siwin ren an a iei ititin:

3 "Tetten 2. Monun ewe Convention. Monun repwe ir delegates. Monun ei  
4 Convention repwe 28 delegates ir chon Chuuk pwan ir aramasen Federated States  
5 of Micronesia. Ew me ew ekkewe 13 Precincts, usun a affat non ewe Truk State  
6 Charter, epwe fini non atun uttutunap ika uttut atapanapwan epwe fis non ewe  
7 Aeuin Aruwanu non April, 1988. ekkewe delegates non aukukun ekkewe iteit  
8 mei affatatiw non Article IX me non ewe Truk State Charter."

9 Tetten 2. Ekkesiwin. Tetten 4 me non Annukun Chuuk No. 6-16, iei a pwan  
10 ekkesiwin, ren an a iei ititin:

11 "Tetten 4. Mwichen ewe Convention. Ewe Convention epwe suuk poputa  
12 kunok 9:30 a.m., non ewe Aeuin Sarinfan non June, 1988, iwe epwe sopolopono  
13 an mwich ren ukukun esap nap seni 60 ranin mwich ika ranin angang non unusa-  
14 napan. Ewe Convention epwe mwich seni Sarinfan tori Enimu, tiwenon chok ekkewe  
15 ranin asoso, NGE, mwichen ei Convention mei pwan tongeni fis non ekkewe weekends  
16 ika ranin asoso, ika pwan fen tongeni asoso ew fansoun esap nap seni ukukun  
17 15 ran non unusanapan, ika pwe nap seni nesopun monun ewe Convention mei tipeew  
18 ngeni non ar fout."

19 Tetten 3. Ekkesiwin. Tetten 12 me non Annukun Chuuk No. 6-16, iei a pwan  
20 ekkesiwin, ren an a iei ititin:

21 "Tetten 12. Referendum.

22 1) Ewe Kepina, non an proclamation, mei tongeni finata ew ranin uttutun  
23 angungu (referendum) won ewe Constitution esap mang seni 90 raan me murin an  
24 a tori ewe Kepina kapiin ewe Constitution mei ketiw me sain mei titino ngeni  
25 me ren ewe Convention.

26 2) Chinoon chok ika mei affat me non ei Annuk, ewe Annukun Uttutunapen  
27 non Chuuk forum non ewe 1978 non an a piin ekkesiwin, epwe ina annuk ren ewe  
28 uttutun angungu (referendum), nge ew chok, meinisin ekkewe candidates ra fen  
29 wanong nour petition tori ewe December 1, 1987, ir mei chok tufichin candidates  
30 non ewe uttutun delegates ina mwo iak mer ewe mi affat non Tetten 14(1) non

1 Annukun Chuuk No. 27-1-16.

2 3) Ewe Ballot ika taropwen uttut epwe nounou ren ewe uttutun angungu  
3 (referendum) epwe iei usun napanapen:


4 "AN CHUUK UTTUTUN ANGUNGU (REFERENDUM) WON EWE CONSTITUTION:

5 Ka tipeew ngeni me apungano noun Chuuk we Constitution non an a ketiw me  
6 ren ewe Constitutional Convention?


7 WU  APW  "

8 4) Pungunoon ewe Uttutun Angungu (Referendum) epwe annetata me ren  
9 ewe Election Commissioner an a annetata pungun epwene ina enletin fattan  
10 kapungunoon ewe Constitution seni aramasen ei State Chuuk. Ika pwe epwe  
11 wor kapas eis mi wenengeni ewe uttutun angungu (referendum) me pungunoon  
12 ewe uttut, ewe Legislature-un ewe Muun Chuuk epwe ina ewe amuchunoon choon  
13 finata pungun."

14 Tetten 4. Poputan Pochokunan. Ei Namopung epwe poputa pochokunan atun an  
15 kapunguno me ren ewe Kepina, ika atun chok an winiti annuk won winikapan, inamwo  
16 ika esemwo kapunguno.

17  
18 Sain seni: 

Kisande K. Sos, Speaker  
Truk State Legislature

19  
20  
21 Annetata seni:   
22 Datasi Albert, Chief Clerk  
Truk State Legislature

Pwinin maram: 12-21-87

23  
24  
25 Kapunguno seni: \_\_\_\_\_

Gideon K. Doone, Governor  
State of Truk

26  
27  
28 Pwinin maram: \_\_\_\_\_  
29  
30